



**Judicium Ecclesiasticum Seu Decretalium Gregorij IX.
Pont. Max. Liber II.**

Schmalzgrueber, Franz

Ingolstadii, 1726

§. II. Quæ res præscribi possint, vel non possint?

[urn:nbn:de:hbz:466:1-74990](#)

21. Quæritur 10. an Præscriptioni renuntiari possit v. g. pacto, ne res præscribatur? Negat Bartol. in l. nemo ss. ff. de Legat. 1. Greg. Lopez. l. 1. tit. 29. p. 3. ex ratione; quia Præscriptio inducta est propter bonum publicum, ne dominia rerum incerta sint. Sed Juri publico derogare nemo potest l. *Jus publicum* 38. ff. de pac. ergo &c. Conf. ex l. de die 14. ff. de pac. dotal. ubi non permititur pactum, quo dos mulieris deterior fiat, tametsi causa dotis utilitatem privatam, & communem simili respiciat, ne sc. mulieres indotatae sint l. *dotum* 1. ff. *solut.* matr. igitur nec circa Præscriptionem pacisci licitum erit, ut aliqua res præscribi nequeat; nam & Præscriptio, ut dictum est, ob bonum publicum introducta est.

Sed contrarium merito docuit Dynus in l. nemo cit. Ripa ibid. n. 105. Gutier. in ejus repetit. n. 470. Pal. tr. 31. D. un. p. 22. §. 1. n. 6. & probabile admittit Pirh. hic n. 3. Rationem dant, quia Præscriptio primariò, & principaliter inducta est in commodum, & favorem privatorum, & secundariò solum ob bonum publicum. At quæ primariò inducta sunt in bonum privatorum, renuntiari possunt. Ergo &c.

22. Controversia aliqua in hac ratione moveri potest, an verum sit, quod Præscriptio

tio solum secundariò inducta sit ob bonum publicum, quod aliquibus cum Pirhing videtur difficile afferere. Sed quidquid de hoc sit, certum videtur, quod in Præscriptione utilitas privata separari possit à publica; nam posito pacto, ne res aliqua præscribatur, dominium illius non manet incertum, sed reservatum est primo possessori, & penes eundem manet. Hinc

Ad Argumentum oppositum dico, per ipsum Pactum de non prescribendo utilitatem privatam à publica separari; quia eo pacto posito, finis cessat, ob quem præcipue inducta Præscriptio est, ne sc. incerta sint rerum dominia. Ad Conf. negatur paritas; nam in dote utilitas privata à publica separari non potest.

Quæritur 11. quæ requirantur ad legitimum Præscriptionem? 1. quinque maximè requisita DD. enumerant. 1. Ut res ipsa sit prescribilibis. 2. Bona fides. 3. Iustus titulus. 4. Possessio legitima. 5. Tempus lege definitum. Quæ omnia his versibus continentur.

Sit res apta, fides bona, sit titulus quoque iustus, Possideas iustè, completo tempore Legis.

De singulis agendum in particulari: & hinc sit.

S. II.

Quæ res præscribi possint, vel non possint?

SUMMARIUM.

- 24. Prescribi possunt res omnes, nisi Jure prohibeantur.
- 25. Excipiuntur Res Sacrae.
- 26. Religiose, & Sancte.
- 27. Publicis usibus deputatae, & Liber homo.
- 28. Res communes, & ee, quæ sunt mere facultatis.
- 29. Beneficia Ecclesiastica, & Jura Spiritualia quondam Laicos.
- 30. Jure positivo prohibentur prescribi Limites Parochiarum, & Episcopatum.
- 31. Jura Majestatis.

24 DE his Regulae instar est, præscribi, & usucapi posse omnes res corporales, sive mobiles illæ sint, sive immobiles, nisi Lege aliqua, vel speciali ratione prohibeantur usucapi, vel præscribi. Sylv. V. Præscriptio 2. q. 1. Host. Summ. b. tit. de Usucap. n. 4. Tholos. l. 40. c. 2. n. 1. Pirh. hic n. 11. Res incorporales, ut Jura, Servitudes, Actiones, sicut propriæ possideri non possunt, ita nec præscribi, vel usucapi, sed tantum quasi, sicut tantum datur eorum quasi possessio. Quia tamen utilitatis causâ introductum est, ut res incorporales quasi possideantur, hinc sit, ut etiam quasi usucapiantur, sive longo tempore, & usu acquirantur. Host. l. cit. Di-

- 32. Ea, quæ ad Supremam Principis potestatem pertinent.
- 33. Res Pupillorum.
- 34. Tempore ordinario prescribi nequeunt Res Ecclesiistarum, saltem immobiles.
- 35. Bona Principis cum distinctione.
- 36. Feuda.
- 37. Res furtivæ, aut vi posse.
- 38. Res Minorum, & Civitatum.
- 39. 40. 41. Res alienari prohibita cum distinctione.

xi autem, Nisi Lege aliqua, vel speciali ratione prohibeantur usucapi; sunt enim, quæ præscribi non possunt, duplicitis generis: & aliqua quidem præscribi nequeunt naturâ suâ, alia Legis dispositione; & horum quidem aliqua omnino præscribi non possunt, alia præscribi solum prohibentur tempore ordinario.

Quæritur 1. quæ res naturâ præscribi nequeant? 2. generaliter naturâ suâ præscriptionem refugiunt, quæ non sunt in hominum commercio, seu bonis privatorum; si enim nemo earum dominus esse potest, quomodo præscribere illas poterit, cum præscriptio sit adjectio dominij l. usucapio 3. ff. de usurp.

de usurp. & usucap. In particulari præscribi non possunt.

1. *Res sacrae*, quæ ritè, & solemniter Deo sunt consecratae, & Sacris usibus applicatae, uti sunt calices, vestes, & Ornamenta Sacra, Altaria, Templa, Sacella, Cœmeteria, Monasteria, & alia loca Sacra, & Religiosa §. sed aliquando 1. *Inst. de Usucap.* & *l. usucaptionem 9. ff. eod.* Ratio est, quia non est præscriptione sine possessione, atque res, & loca Sacra non possumus possidere *l. qui universas 30. §. possessionem 1. ff. de acquir.* & amittit, possess. Quod tamen res Sacra profanaretur, præscriptionem admitteret *l. cùm loca 36.* & ibi Gloss. *ff. de Relig.* & sumpt. funer.

26 2. *Res Religiose*: quales sunt Sepulchra, sive loca, in qua corpus, & osfa hominis illata sunt, ut ibi perpetuò maneant §. religiosam 9. *Inst. de rer. divis.* & *l. usucaptionem cit.* Hodie tamen non est opus speciali exceptione; cùm enim nunc non amplius, ut olim, locus, ubi corpus humanum conditur, cuiusvis voluntate Religiosus fiat, sed Episcopi autoritate Cœmeteria consecrantur, idcirco sub nomine rei Sacra jam continentur. Bene etiam nota König *bic n. 8.* licet ipsum Cœmeterium præscribi non possit jus tamen Sepulchri præscriptione acquiri posse; quia etiam possideri à privatis potest *l. vel quod 6. ff. de Relig.* & sumpt. fun. & statuitur expreße *l. monumentorum 6. C. eod.*

3. *Res Sanctæ*: quales sunt, quæ speciali sanctione ab injurya, & violatione hominum sunt defensæ, ac munitæ §. sanctæ quoque 10. *Inst. de rer. divis.* *l. sanctum 3. ff. eod.* *l. usucaptionem 9. ff. de usurp.* & usucap. Inter res sanctas commumerantur muri, & portæ Civitatum, quas violare capitale est §. sanctæ cit. Item Imperium Romano-Germanicum, quod ideo in vernacula dicimus das Heilig. Römische Reich. König *n. 9.*

27 4. *Res publicis usibus deputatae*, ut sunt forum, via publica, fons, pons, theatra, stadia, scholæ, curiæ, porticus &c. *l. usucaptionem cit.* & *l. præscriptio 6. C. de operib. public.* Idque verum est, etiam si populus uti desierit *l. viam 2. ff. de via public.* & itin. quia satis est, quod eis uti possit, & ad eum finem fuerint assignatae.

5. *Liber homo*, qui nullo tempore præscribi potest, ut fiat Servus, licet possessor illum bona fide emerit putans esse servum §. sed aliquando 1. *Inst. de Usucap.* *l. usucaptionem cit.* & *l. fin. C. de long. temp. præscript.* Econtra Servus contra dominum præscribere libertatem potest, si per 20 annos bona fide etiam sine titulo se gesserit pro libero *l. fin. cit.* & ibi Gloss. *V. bona fide,* & *V. per 20.* idque favore libertatis statutum est. Addit Pirh. *bic. n. 12.* juxta alios sufficere decennium inter præsentes, ne deterior sit conditio libertatis, quam aliarum

rerum, & quia saltem in alijs Legibus conceditur brevius tempus ad præscribendum præsentibus, quam absentibus.

6. *Hæreditas*, vel alia *Res communis*: *hanc enim, antequam inter hæredes, vel socios divisa fuerit, unus eorum præscribere nequit contra reliquos cohæredes, vel socios, etiam si longissimo tempore eam posse derit, quin eis reddere debeat portiones suas l. si communem 10. ff. quemad. servit. amitt.* Ratio est, quia non suo tantum, sed omnium cohæredum, vel sociorum nomine censetur rem communem possidere.

7. *Res mere facultatis*, h. e. quæ citra obligationem, aut conventionem cujusque libero arbitrio relinquuntur arg. *l. viam publicam 2.* & ibi Gloss. *ff. de via publ.* & itin. Ratio est, quia quæ hujusmodi sunt, cùm sint meri facti, nihil Juris ponunt, cui præscribi possit; antequam autem fiant, in rerum natura non sunt. Accedit, quia non decet, ut beneficium vertatur in debitum. Proceditque hoc, sive per actum aliquem positivum aliquid tale factum sit, sive per omissionem actus, quem alias ponere quis potuisse. Primi exemplum est, si consuevit aliquis in molendino alterius molere, cùm potuisse in altero; secundi, si altius quis domum suam non ædificavit, cùm jus haberit altius ædificandi: Nam primus, eti 100. annis frumentum suum tulisset in aliquod molendinum, per hoc tamen non contrahit obligationem, ut non alibi molat; alter, eti altius domum non erexerit, non tamen per hoc amittet potestatem altius ædificandi, nisi aliquando ædificare volentem vicinus prohibuerit, & is de hac ædificatione cessarit; tunc enim amisit hoc Jus, ut bene Engl *bic. n. 9.*

8. *Beneficia Ecclesiastica*, si *Titulum 29.* præscribens non habeat; quia sola Canonica Institutione, & authoritate Superiorum obtinentur *c. beneficium 1. de R. J. in 6. c. ex frequentibus 3. de instit. c. contingit. 9. de dol.* & contum. Neque obstat *c. cura 11. de Jur. patron.* ubi prohibetur, ne quis ex donatione Laicorum Ecclesiæ aliquas sibi vendicare, vel retinere præsumat sine autoritate, & consensu Episcopi, nisi legitima fuerit præscriptione munitus, & conf. supponit Ecclesiam, seu Beneficium per Præscriptionem acquiri posse; nam dicendum ibi sermonem esse de Ecclesijs, non in Beneficium, vel Titulum, sed in proprietatem concessis, uti textum illum explicant Abb. & Barbosa *ibidem*, ac post hos König *n. 11.* Colligitur etiam ex eo, quia *c. cit.* scriptum est non tantum ad Clericos, sed etiam ad Monachos, & Monasteria, quæ Beneficia in Titulum habere non possunt. Deinde in textu dicitur, ne ex donatione Laicorum quipiam Ecclesiæ vendicare præsumat. atqui donatio facta loco Religioso intelligitur non in Beneficium, sed proprietatem facta *c. consulta-*

sultationibus 4. de donat. Addidi, si Titulum prescribens non habeat; nam si Titulum coloratum saltem possessor habeat, & per triennium pacificè Beneficium tale possederit, possessio hæc ei proderit, si non ad proprietatem Beneficij, quod multi contendunt, saltem ad exceptionem, si tamen ad sit bona fides; nam alia nec in foro interno tutus est, nec in externo tolerandus.

9. A Laicis prescribi non possunt Jura Ecclesiastica, & Spiritualia, e. g. jus eligendi, aut conferendi Beneficium Ecclesiastica, Jus cognoscendi, & judicandi causas Ecclesiasticas, & Clericorum &c. quia à Laicis possideri nequeunt c. causam 7. b. t. Hinc etsi mille anni transierint, Laici ejusmodi Jura non præscribent. *Jura*, dixi; nam bona Ecclesiastica, quæ Sacra non sunt, præscribi à Laicis possunt, sed indigent longiori tempore.

10. Quæritur 2. quæ res Jure positivo simpliciter præscribi nequeant? *¶ 1.* simpliciter præscribi vetantur *Limes Parochiarum*, & *Episcopatum*, ac quæ hujusmodi limitibus cohærent, modò sufficienter constet illos fines fuisse præfixos *can. quicunque 4. & duobus seqq. caus. 15. q. 3. c. super eo 4. de Parochijs*, & c. quia 9. b. tit. Ratio est, ne termini Provinciarum &c. confundantur. Extenditur hoc etiam ad limites Ducatum, & Comitatum, ut vult Hostiensis apud Molin. tr. 2. D. 79. n. 7. *Dixi Limes Parochiarum* &c. nam limites prædiorum, seu agrorum Ecclesiasticorum 40. annis præscribi possunt, ut aliæ res Ecclesiasticae imobiles *can. volumus 2. junct. Gloss. V. fines caus. cit. q. 4. & c. quia cit.* Imò ipsa etiam terra, ubi limes Parochia, vel Dioecesis positus est, quoad proprietatem præscribi potest, ut rectè notat Engl. hic n. 8. modò adhuc limes maneat in sua ratione limitandi, & nihilominus fines Episcopatus, vel Parochie designet. Similiter non prohibetur Præscriptio Jurium Episcopatum circa certas Ecclesiæ in aliena Dioecesi; item Præscriptio Decimarum in aliena Parochia, si fiat salvis de cætero limitibus. Addidi in Responsione, Modò sufficienter constet *illos fines fuisse præfixos*; nam si dubij forent limites, melior judicaretur possidentis conditio.

31. 2. Jura Majestatis, seu quæ Principi, Imperatori, Regi debentur, & competit in recognitionem Supremi Principatus, & universalis dominij, ac subjectionis eidem debitz *l. comperit 6. C. de prescript. 30. vel 40. ann.* Ratio est, tum quia Princeps illa ne expressa quidem conventione dimittere potest; tum quia eorum Jurium reliqui extra Supremum Principem incapaces sunt. Hinc nulla temporis Præscriptione acquirere quis potest immunitatem Vectigalium, & Tributorum, quæ Principi penduntur in recognitionem Supremæ Majestatis, & subjectionis; & quamvis quantocunque tempore peccata non fuerint à Principe, Jus tamen per

hoc Princeps ad ea petenda non amittit. *Dixi, Quæ penduntur in signum Supremæ Jurisdictionis, & dominij;* ea enim, quæ referuntur Principi solum in signum specialis Dignitatis, & Privilegij, ut sunt potestas legitimandi, restituendi famæ, creandi Notarios, cuditendi monetar, indicendi Tributa pro expensis alicuius belli, vel simili aliqua necessitate publica, per inferiorem acquiri possunt Præscriptione 40. annorum cum titulo, sine titulo tempore immemoriali *l. 1. publicanus 4. S. in omnibus 2. ff. de Publican. Abb. in c. ad audientiam 19. b. t. n. 18. Leff. l. 2. c. 6. n. 41. Pirh. bic n. 20. König n. 19.* cum alijs.

3. Ea, quæ ad Supremam Principis potestatem spectant; nam contra hæc à nullo subditu, qui se subditum fatetur, præscribi potest, ita, ut Legibus Principis non obligetur, vel ut ab eo non coéreatur, quando ratio, & Justitia ita exigunt, aut ut ab inferioribus Judicibus non appelletur ad Supremum Judicem. *Covar. in Reg. possessor p. 2. §. 2. n. 7. Molin. tr. 2. D. 74. n. 3. Pirh. König l. citt.* Dixi, *Qui se subditum fatetur;* nam, etsi per Præscriptionem fieri non possit, ut subditus manens subditus exemptus sit ab ijs, quæ Principi ratione supremæ potestatis competunt, v. g. ab ejus imperio, Tribunali, Judicio &c. potest tamen mediante præscriptione ex subditu fieri non subditus, & eximi ab ejus potestate; prout multi Principes, qui olim erant subjecti Romano Imperatori, præscribendo libertatem exempti sunt. Nemo tamen per præscriptionem, imò etiam per concessionem ipsius Pontificis eximi potest à potestate, quæ ipsi tanquam Summo Christi in terris Vicario adversus omnes Fideles competit; nam ad intrinsecam Papalis potestat's à Christo perfectæ perfectionem spectat, ut sit omnium fidelium Supremus Ordinarius Pastor. Ita *l. citt. Abb. n. 19. Molin. n. 1. Pirh. n. 20.*

4. Res pupillorum: ubi nonnulli discriben faciunt inter res eorum mobiles, & immobiles; & in prioribus præscriptionem concedunt, in posterioribus autem negant. Sed melius hac distinctione rejecta, negatur omnis Præscriptio, etiam longissimi temporis in re pupilli, ita, ut tempus pupillaris etatis ad tempus præscriptionis computetur. *Ita Cujac. in l. 4. S. si pupilli 11. ff. de Usucap.* ubi seipsum corrigens, generaliter, & indistincte afferit, res, quæ aut Civili, aut gentium Jure pupilli factæ sunt, quandiu is in tutela fuerit, usucapi non posse. Consentit *Pal. tr. 31. D. un. p. 22. §. 15. n. 1. Pax Jordan. l. 14. tit. 24. num. 174. Arnold. Rath tr. de Usuc. & præscript. c. 4. n. 10. Haun. tom. 1. tr. 5. num. 365. Pirh. bic n. 36. König n. 21. & summit ex l. sicut rem 3. ¶ que ergo C. de Prescript. 30. vel 40. ann. & Auth. nisi tricennale C. de bon. matern. Et hoc verum est, ut bene notat Haun. etiamsi contra defunctum*

functum Prescriptio jam incepisset; nam durante pupillari etate non currit Prescriptio. **Excipitur**, si tempus Prescriptionis completeretur, pupillo adhuc in utero existente; nam tunc adversus defunctum, non adversus pupillum compleri censeretur; nec enim Iurata volunt ob incertitudinem posthumu nascituri Prescriptionem impedire. Datur tamen eo casu posthumo nato beneficium restitutio in integrum l. etiam 45. ff. de minor. l. un. C. si advers. Usucap.

Præter relata sunt plura adhuc alia, quæ Legi positiva præscribi videntur; de his tamen melius in §§. seqq.

34 Quaritur 3. quænam res prescribi prohibeantur tempore ordinario? **g. 1. Res Ecclesiastarum**, saltem immobiles; nam contra eas, ut infra §. 6. dicam, Prescriptio locum non habet, nisi longissimi temporis, contra Ecclesiam Romanam quidem 100. annorum, contra alias inferiores 40. Aliquis tamen Ecclesijs, & locis Sacris ex speciali Privilegio, ut §. 6. cit. dicam, amplius conceditur tempus, ut Ordini, ac Monasterijs S. Benedicti, Congregationi S. Salvatoris &c.

35 **2. Bona Principis**: ubi tamen distinguendum est inter ea, quæ ad eum spectant tanquam privatum, & non quæ Princeps est, quia ex suo patrimonio, vel aliunde titulo privato illa habet; & inter ea, quæ ad ipsum pertinent, quæ Princeps est. **Primi generis bona**, quæ **Bona Dominica**, seu **Patrimonialia Principis** appellantur, eo tempore præscribuntur adversus Principem, quo præscriberentur adversus quemcunque privatum, ut cum Covar. & alijs ab hoc cit. reætius docet Molin. tr. 2. D. 74. num. 5. quamvis aliqui refragentur. Ratio est, quia non constat de privilegio, quod Regi quoad familia bona conveniat. **In secundi generis bonis** iterum distinguendum est inter Bona, quæ ad Regni Coronam, vel Principatum spectant, & inter ea, quæ dicuntur **Fiscalia**. Priora non præscribuntur adversus Regni Coronam minori spatio, quam 100. annorum. Covar. reg. possessor p. 2. §. 2. n. 8. & 9. Valafe. de Jur. Empbyt. q. 17. n. 12. Molin. l. cit. n. 4. & patet arg. l. un. C. de SS. Eccl. ubi privilegium centenarie præscriptionis conceditur Civitatibus. Igitur multo magis Coronæ, vel Principatu. **Quoad Posteriora**, tercia distinctio est adhibenda; nam si jam incorporata sint fisco, præscribi solum possunt 40. annorum tempore §. res fisci 10. & ibi Gloss. Inst. de Usucap. Si nondum incorporata fisco, multum interest, qualia sint illa bona, & quam ob causam Fiscus ea sibi vendicet, vel vindicare possit. **Si ad Fiscum pertineant**, quia ob crimen e. g. ob vœtigal non solutum, ob hæresin, ob crimen leſa Majestatis &c. sum eidem commissa, distinguendum est inter Fiscum Secularem, & Ecclesiasticum. **Si sermo sit de Fisco Seculari**, quinquennio omnis actio filii extinguatur. **Si de Eccl.**

siaſtico, adversus Ecclesiam Romanam non prescribitur, nisi 100. annis, adversus aliam inferiorem annis 40. nisi habeat speciale priuilegium. **Si verò hujusmodi bona nondum incorporata Fisco ad eum spectant alia ex ratione**, quia v. g. morte alicujus sine legitimis hereditibus sunt vacantia, videndum, an denuntiata sint Fisco, vel non. **Si nondum denuntiata sunt**, prescribuntur tempore ordinario l. quamvis 18. ff. de Usucap. & Usucap. ubi dicuntur talia bona diutina possessione capi; diutina autem 10. aut 20. annos, videlicet tempus ordinarium denotat. **Si autem denuntiata jam Fisco sint**, post quadriennium continuum actio super illis bonis à Fisco non amplius inchoari potest, ut habetur l. notum est 1. C. de quadrien. prescript. Videatur Molin. tr. 2. de J. & J. D. 73. per totam.

3. Feuda: ubi quinque distinguendi sunt Catus. Et 1. quidem, ut res Allodialis in Feudalem transeat, sufficit, si possessor ejusdem illam tanquam Feudalem 30. annis possederit, & domino istius Vasalli instar servitia exhibuerit, nisi illa ad Ecclesiam spectet; tunc enim adversus Romanam 100. adversus aliam privilegio non munitam 40. anni requirentur. Zaf. tr. de Feud. p. 6. n. 30. Vultei. l. 1. c. 9. n. 15. Schrader p. 5. c. 4. n. 6. Rosenthal c. 6. concl. 77. n. 2. quos citat, & sequitur P. Wiest. hic n. 142. & patet ex Lib. 2. Feud. tit. 26. §. quis per 30. 2. eadem longissimi temporis prescriptione feudum ab uno Vasallo transferri potest ad alium, & à vero ad putativum; nam si hic per 30. annos bona fide Jure Vasalli possedit Feudum, & Domino ejusdem obsequio consuera præstiterit, Vasallus prior amittit dominium utile, & Feudi dominus hunc novum, tanquam Vasallum suum, agnoscere etiam invitus cogitur. Abb. in c. 13. b. tit. n. 14. Clar. S. feudum q. 45. n. 3. Schrad. p. 5. cit. c. 5. n. 9. Rosenthal. c. 9. concl. 97. n. 8. Pirh. hic num. 109. Wiest. n. 142. 3. Similiter 30. anni sufficiunt, & extinguetur Feudum, si extraneus tanto tempore rem Feudalem, tanquam Allodialem bona fide possederit. Glossa in tit. 40. feud. l. 2. v. præterea cit. V. præscriptione, Alex. de Nevo in c. 13. b. tit. n. 52. & 57. Gaill. l. 2. obs. 160. n. 1. & seqq. Rosenthal. concl. cit. n. 19. & apud hunc communiter Feudista. Sumitur ex §. quis per 30. cit. Neque obstant textus Libr. 2. Feud. tit. 40. v. præterea, & tit. 55. in princ. ubi dicitur nullius temporis Prescriptio obstarre domino; quia ut l. cit. cum alijs advertit Gailius, id intelligendum dumtaxat est de Ordinaria 10. annorum inter presentes, & 20. inter absentes, non verò de Extraordinaria 30. vel 40. annorum. 4. non minus 30. anni sufficiunt ad consolidandum dominium utile cum directo, & Feudi extinctionem, si dominus directus bona fide, quia v. g. credidit familiam, cui ratione Feudi alias debebatur dominium utile, omni-

omnino extinctam esse, tanto tempore rem Feudalem tanquam Allodialem, & liberam pacificè possedit arg. §. *siquis cit.* Bald. *ibidem n. 11.* Zaf. *p. 6. cit. n. 33.* Rolenth. *concl. 83. n. 2.* Wiest. *bic n. 144.* 5. Ut verò contra Vasallus dominium directum prescribat adversus dominum, necesse est, ut domino possessionem interverterit, eique pro servitj ipsum interpellanti, illa negat, predium, quod possidet, liberum afferendo; alias enim nullo tempore illud prescribet ob possessionis defectum, cum non sibi, sed domino illud possideat. Vult. *c. 9. cit. n. 18.* Schrader. *p. 6. c. 6. n. 62.* Rolenth. *c. 6. concl. 82. n. 1. & 15.*

37 4. *Res furtiva, aut vi possesse:* haec enim tempore ordinario nec à fure, seu invasore, nec à tertio quodam prescribi possunt, ulque dum vitium purgatum fuerit §. *furtiva 2. & §. seq.* Inst. de Usucap. *l. qui fundum 7. §. qui sciens 5. ff. pro emptor.* *l. sciens 7. C. de Usucap. pro empt.* Vivian. *in c. 2. b. tit.* Gonz. *ibid. n. 6.* Vall. *§. 8. n. 5.* Pirk. *n. 13.* Engl. *n. 11.* Sannig. *c. 6. n. 3.* Wiest. *n. 139.* Eisque hoc verum, ut bene adverdit Haun. *tom. 1. tr. 5. n. 367.* et si per mille manus res illa ambulasset; semper enim dominus illam vendicare posset nullo restituendo prelio, præterquam expensis in sustentationem v. g. animalis factis. Ratio indicatur *l. vitia 11.* C. de acquir. vel retin. poss. quia sc. dispositio ne Juris res furtiva, & vi possesse vitio reali laborant; cum quo proinde ad quoscumque successores deveniunt. Huc revocatur, quæ contra Legem repetundarum Judicii data sunt; nam hæc perinde, ac furtiva, non nisi purgato virio, Prescriptionem admittunt *l. quod contra 8. ff. ad Leg. Jul. repetund.* Addidi, *Nisi purgatum sit vitium furti, aut violentiae: quod fieri tripliciter potest.* 1. per lapsum 30. vel 40. annorum; nam si tanto tempore hujusmodi res possessa fuerint à tercio bona fidei possessore, puta ab emptore, vel herede furis, ignorante rei vi tium, prescribi etiam res furtiva possunt *l. sicut 3. & l. omnes 4.* C. de Prescript. 30. vel 40. ann. 2. si fur esset heres illius, cui furatus est *l. cim vir 42. ff. de Usurp. & Usucap.* ibi: *Idem Juris est, cim is, qui rem furtivam vendidit, postea domino heres exstitit.* 3. Si res ad suum dominum reversa fuerit post furtum, & denuo bona fide ab alio possidea tur, sive deinde reversa fuerit formaliter, sive æquivalenter, v. g. per receptam litis estimationem, aut quamcumque aliā satisfactionem *l. quamvis 84. ff. de furt.*

38 5. *Res minorum, contra quas solū currit Prescriptio 30. annorum l. sicut 3. C. de prescript. 30. vel 40. annor. l. non est 3. C. quib. non objicit. long. temp. Prescript.* Pal. *tr. 31.* D. un. *p. 22. §. 15. n. 1.* Leff. *l. 2. c. 6. n. 24.* Wagn. *in c. 3. b. tit. V. possesse sunt, not. 2.* Engl. *n. 10.* König. *n. 22.* Sed hoc, ut Haun. *tom. 1. tr. 5. n. 366.* notat, intelligi solū

debet de Prescriptione propriè dicta; nam impropriè, ut annales &c. æquè procedunt adversus minorem, salva restitutione integrum.

6. *Res, quæ Civitatibus (idem dicendum de Pagis & oppidis) donatae, legatae, venditæ, sed nondum traditæ sunt; nam adversus istas non prescribitur minori tempore, quæcum centum annorum l. ut inter 23. C. de SS. Ecl.* Neque privilegium hoc revocatum, vel ad brevius tempus redactum est per Auth. *quas actiones l. cit. subjunctam;* quia hac solū de Ecclesijs, non de Civitatibus tractat. Covar. *in reg. possessor p. 2. §. 2. n. 15.* Molin. *tr. 2. D. 74. n. 4.* Laym. *l. 3. tr. 1. c. 8. n. 13.*

7. *Res alienari prohibite: ubi distingendum est, an omnino prohibeantur alienari, ut sunt predium dotale, res Majoratus, aut Primogenitura vinculo alligatae, aut sub Fideicommisso relictae; an verò solū sint prohibita alienari sine certis solennitatibus, ut sunt res Ecclesiarum, Pupillorum, Minorum &c. De his posterioribus fatis constat ex hactenus dictis. In prioribus distinguendum est, an per Prescriptionem id agatur, ut hujusmodi Majoratus, Primogenitura, Fideicommissa &c. inducantur, an verò, ut tollantur. Si primum, Molin. *tr. 2. D. 75. n. 9. ¶. advertit.* putat sufficere tempus ordinarium cum titulo, tricennium sine titulo; sed verius Pal. *tr. 31. D. un. p. 22. §. 15. n. 6.* requirit 40. annos cum titulo, immemoriale sine illo.*

Si secundum, gravissima est controversia, an hujusmodi res absolutè alienari prohibite prescribi possint, saltem tempore longissimo 30. aut 40. annorum? Affirmat Card. de Lugo. *de J. & J. D. 7. Sec. 8. n. 147.* Haun. *tom. 1. tr. 5. n. 363.* König *bic n. 23.* Rationem dant; quia ita Prescriptio habet vim Tituli, & affert presumptionem facultatis à Principe datae ad alienandum.

Verum longè probabilius est, non posse hujusmodi bona prescribi etiam longissimo tempore in prejudicium successorum, nisi agere iudicem valeant. Ita Covar. Reg. possessor p. 3. §. 3. n. 6. concl. 3. Fachin. *l. 7. contr. c. 12.* Pal. *tr. 31. D. un. p. 22. §. 15. n. 3.* Pirk. *bic n. 37.* & alij ab his cit. Ratio est 1. quia prohibitio alienationis in his bonis non solū est inducta à Lege, sed etiam ab ipso primo institutore, qui dum Majoratum, Primogenituram, Fideicommissum constituit, & personas, ad quas devenire debet, modumque, quo ad ipsas devenientur sit, designavit, tacite prohibuit, & exclusit quamlibet aliam alienationem. ergo etiam Prescriptionem: non Ordinariam tantum; nam hanc excludit *l. ult.* C. communia de Legat. & *l. ult.* §. fin autem C. de prescript. 30. vel 40. ann. ergo, ut aliquid operetur prohibitio à primo Institutore addita, dicendum eā excludi etiam Extraordi-

nariam. 2. impedito agere non currit Præscriptio; quia tunc primum incipit currere, quando actio nata est, sed successores in Majoratu, Primogenitura &c. nequierunt Præscriptionem impeditum, vivente possessore, contra quem Præscriptio facta est; quia illis nondum Majoratus cessit, ergo contra eos, quando agere non possunt, non currit Præscriptio. 3. Præscriptione amplius aliquid acquiri nequit, quam quod vero titulo concedi poterat, cum Præscriptio loco tituli subrogatur, ut tradit Bald. in *L. nullus C. de R. V.* at nec possessor, nec aliud poterat Primogenitutam, Majoratum &c. alienare, natum illorum defruendo; neque enim dominium illorum conceditur absolute, sed pro eius vita, ita, ut in ea institutione tot videantur adesse concessiones, quot fuerint personæ successuræ; quia omnes à primo institutore, non ex ultimo possesso rem possidendam accipiunt.

Dixi autem, *Etiam longissimo tempore*, 41 videlicet 30. vel 40. annorum: nam Præscriptione, quæ hominum excedit memoriam, præscribi possunt; quia cum hæc vim Tituli habeat, & præmptionem inducat, quod omnia adsint, quæ ad dictam alienationem fuerunt necessaria, mirum non est, quod valeat omnibus præjudicare. Molin. tr. 2. D. 79. n. 9. v. coveniunt, & alij passim. Addidi, *In præjudicium Successorum, nisi agere idem valeant*; nam adversus eos, qui agere possunt, optimè currere Præscriptio potest, cum potissima ratio sit importunitas agenti.

Ad rationem pro adverfa parte allegata dico Præscriptionem longissimi temporis tum solùm præsumptionem Tituli pro se habere, quando adversus præscribentem non militat præsumptio contraria, sicut sit in rebus alienati prohibitis.

§. III.

De Possessione requisita ad Præscriptionem.

S U M M A R I U M.

- 42. Ad Præscriptionem requiri posse.
- 43. Corollaria.
- 44. Civilis sufficit sine naturali, non tamen vicissim.
- 45. 46. Corollaria.
- 47. 48. Continuatio, & probatio possessionis quatenus necessaria?
- 49. Prescribi non potest Matrimonium.

42 **C**ertum est, ad Præscriptionem faciendam requiri Possessionem; nam sine possessione Præscriptio non procedit, ut habetur Reg. 3. de R. f. in 6. & supponitur c. Sanctorum 3. c. causam 7. c. si diligenti 17. b. tit. & l. sine possessione 25. ff. eod. Hinc qui incapaces sunt possidendi rem aliquam, prout sunt Laici respectu Juris eligendi, conferendi Beneficia &c. etiam incapaces sunt prescribendi, ut facile omnes concedunt.

Queritur 1. qualis esse debeat hæc Possessio, ut legitima sit, & ad Præsumptionem sufficiat? 2. debet esse Civilis, h. c. detentio rei cum opinione dominij. Ita Abb. in c. 7. b. tit. n. 6. Covar. Reg. possessor p. 2. princ. n. 7. Azor. p. 3. l. 1. c. 17. q. 2. Molin. tr. 2. de Jus. D. 61. n. 1. Less. l. 2. c. 6. n. 5. Laym. l. 3. tr. 1. c. 8. num. 5. Pal. tr. 31. D. un. p. 22. §. 4. n. 2. Pax Jordan. l. 14. tit. 24. num. 107. & seq. Haun. tom. 1. tr. 5. n. 256. & ceteri passim. Ratio est, quia Præscriptio est modus acquirendi dominium, quod non acquiritur sine animo, & voluntate acquirentis l. in omnibus 55. ff. de O. & A. igitur necesse est talem intelligi possessionem, quam animo, & voluntate domini res detinetur. Non tamen est ne-

- 50. Professio Religiosa, & Exercitium Ordinis Sacri.
- 51. Jus Decimandi à Laicis, Obedientia à subditis.
- 52. Potest Prelatus inferior contra Episcopum præscribere Jurisdictionem, & alia Jura Episcopalia?
- 53. Quæ illa sint, recensentur, & apponitur duplex limitatio.
- 54. Respondetur ad opposita.

cessé, ut reali apprehensione acquiratur res prescribenda, sed sufficit, si fictione Juris aliquo actu, qui apprehensioni æquivalent, comparetur. Item juxta vulgarem modum accipendi Præscriptionem non est opus, ut sit propriè dicta possessio, quæ tantum est corporalium rerum; nam etiam Jura, & res aliae incorporeæ prescribi possunt, quarum tantum est quasi possessio. Quæcumque autem sit possessio sive vera, sive quasi, necesse est, ut prescribens sibi, & suo nomine possideat, non alteri, vel alterius nomine c. si diligenti 17. b. t. Hinc

Sequitur 1. ut aliquis sciat, quid temporis diuturnitate prescriberit, inquirendum esse de eo, quid eo tempore possederit; nam tantum præcisè aliquis prescribit, quantum possidet arg. c. cum olim 18. b. tit. & passim DD. Sequitur 2. eum, qui non suo, sed alterius nomine est in possessione Juris, aut rei, non posse prescribere sibi, sed ijs, quorum nomine possidet. Molin. l. cit. n. 5. Pal. n. 5. Pirk. n. 40. & sumitur ex c. si diligenti cit. ubi etiam ratio redditur; quia is possidere dicitur, cuius nomine possidetur: conf. Tutor, Curator, Filius. Servus prescribit pupillis, minoribus, parentibus, do-